

四川府縣志輯 (新編) ②3

中國地方志集成

光緒蓬溪縣續志

民國蓬溪縣近志

民國中江縣志

中國地方志集成

四川府縣志輯（新編）②③

光緒蓬溪縣續志

民國蓬溪縣近志

民國中江縣志

巴蜀書社·鳳凰出版社·上海書店

第二十三册

光緒蓬溪縣續志 一

民國蓬溪縣近志 一三五

民國中江縣志 三七九

光緒

蓬溪縣續志

光緒·周學銘 修 熊祥謙等 纂

光緒二十三年刻本 四卷

蓬溪縣續志序

古者大小庶邦無不置史志言志事咸有專官故所云爲後世有述孟子不云乎晉之乘楚之檮杌魯之春秋其義一也郡縣既設而一邑所治埒于古之邦君故本邦國之志之名各勒爲書皆謂之志其紀山川土壤則仿于昔之圖經其紀邦人士之言行則仿于先賢傳耆舊傳而禮樂兵農教養之端皆官守也前修之措置皆法式也不可以無徵故備載之以示于後若夫一披其志而仕焉者知所以爲治家焉者知所以爲學游焉者無事問俗問禁之勞則志之良也蓬溪舊志道光二十四五年間吳君章祁爲

蓬溪續志

卷一 序

經始徐楊君文保所繼成也而前三志皆泯弗存惜哉先是唐安建縣以來九百六十六年而未有志我

朝康熙十一年前知縣潘君之彪始創爲之越四十年而徐君續功再輯之越三十三年而盛君英復述之越四十年而謝君泰宸張太守鶴坪纂成之其後又五十九年乃有吳徐楊之書則加遙焉銘以菲材而教士恤刑罔弗海歷史曹甫陟縣寄遽膺緬思遭逢之渥歷試之頻兢兢業業以不克稱職是懼縣居巴蜀之會民稠而事蹟自惟薄劣曷以堪勝朝夕孳矻以上業教條下察民依中考前政已效之蹟講修而率行之冀無大失從政二年于茲矣

有所設施時自記錄覺先正良法多可垂型于後訪求賢

之耆舊洎故官之懿行嘉言足爲矜式者亦頗不乏而未
有簡編記述之蓋吳徐楊志之成距今又五十二載時事
之增益政令之修明爲至夥矣今而纂之亦其時也既任
斯責其何敢以弁陋辭爰取見聞彙述詮次光緒二十三
年冬移承江津之乏書局自隨勒成是篇他日還縣當與
捐紳先生細論之也載述之由各具本帙故不別爲例言
但臚其目俾資尋檢與舊並存命曰續志庶五十年之行
事得以舉其大凡而昔賢之成書亦俱垂于不朽知縣建
德周學銘謹序

蓬溪續志

卷一

二

敘

耀耀以代咸冬移宰斯土深愧塵務勞薄
書黠掌曾不暇究是邦之掌故據我見聞
今春邑士張蓬山賁前宰周官味西所為續
縣志十四卷來自刊訂收付剞劂予因得竟
暇讀乎其有恆也竊周君之治蓬也時桑茶
有局備民財有局勸學恤疲魚孤却疾蠲
諸善政民既心謬而口頌之又濟以君之願學鴻

蓬溪續志

卷一

敘

三

文纏綿悱惻且紀其實垂為令典永福吾民
豈不懿於耀耀謫庸幸繼君後敢不夙夜
兢以良吏自勗特以應興之利君成之雅於之
弊君或未克盡之此予所以難寔劣而猶不自
已者也蓬于古為廣漢地居梓熊東垠相與
文翁之教蓋有存者其俗高野而務耕桑
其民直拙而懷法禁吏無新以治可耳自氏
牧相率因循于是胥之狡狡黠之達達起而蠶

蓬溪續志

卷一

敘

四

吾民氏用以因嘗見一胥造門而雞犬遁路一役
入鄉而倉箱告罄 太守阿公惻然軫念撫持
以抑之它縣咸遵嚴憲以胥役未便竟格
不行予下車問俗父老親相告曰胥累深甚訟
累深甚予之取 太守法謀予眾合曰可因更參
已責附國保局以執其樞凡胥役之供給于上者
裁焉其不周于用者俟為試行及月公私咸稱
便迺白大府著為令會周君所為從志適成
邑人懇積久泣淚慨狀附邑乘以諭收來予
曰噫是何以之是言也力節之鄉父老益翕狀
進曰公之毅然法行此法也輕虐名及而思避
之人脫不惜名耶忘法法不掃地事盡乎孰敢存
之庶鄙目而生敬言也不尤大慰公高字都予信
其說竟以此自弁于簡端以質周君於邪否邪
光緒二十有五年六月中 漸調署蓬溪縣事
安縣知縣江夏田輝耀謹敘

蓬溪募修縣志啟

三代下方志之書濫觴於蜀晉常璩華陽國志其最著也
逸聞軼事正僭興替郡縣沿革人物土產博徵約記雅其
史裁尙已蓬溪有志始自康熙十一年潘公之彪嗣是續
修之者徐績功謝公泰宸逮道光二十五年吳公小宋
徐楊公文保踵而新之參互考訂先後成帙卽今本所流
傳者是自時厥後人相傳於耳目之無異而又慮著作之
需材載筆缺如者餘年矣其間戶口日增人文蔚起
詎無今昔互異乎至於官師選舉與夫忠孝節義之輩
出者固不乏人焉苟弗增輯蒐羅釀金刊棗必致杞宋無
蓬溪縣續志 卷一 啟 五

德幽光一旦輝煌於簡冊豈不懿與成功以後凡捐較多
之家各送志書一部以酬之各保長務須認真勸募速收
速繳勿擱勿挪是所望於任事者此啟知蓬溪縣事周學
銘謹啟

蓬溪縣續志

卷一

啟

六

上

續修蓬溪縣志銜名

總纂

賜進士出身翰林院庶吉士蓬溪縣知縣周學銘 安徽建德人

襄纂

署理蓬溪縣知縣羅楨 湖北漢陽人

調署蓬溪縣知縣田耀焜 湖北江夏人

現署蓬溪縣儒學教諭張朝墉 四川奉節人

蓬溪縣蓬萊鎮縣丞端秀 正白旗滿洲人

蓬溪縣典史丁家杞 湖北房縣人

編輯

蓬溪續志

卷一

銜名

七

112112

丁卯科舉人熊祥謙 邑人

戊子科舉人劉永茂 邑人

癸酉科選拔鍾永定 邑人

歲貢生楊應祥 邑人

廩膳生員曾世禮 邑人

附學生員何中權 邑人

附學生員張蓬山 邑人

採訪

尹紹先 訓導 劉澤洋 貢副 唐際虞 拔貢 李永敬 歲貢

鍾永紹 夏大璋 陳向榮 趙璞

廖金銘 屈昌 李光元 梁耀春

段大成 唐慎修 張文煥 以上廩生 梁秉寅

童光斗 羅景芬 王煥廷 黃學修

查承瓚 張茂顯 劉樹烈 楊和祉

江獻琛 席源清 李先榮 譚鎔

巫登第 漆泉生 夏光棣 張德馨

蒲得森 呂鳴璫 周雲達 李世襲

陳智新 蒲國馨 楊麟祥 李煥

張榮 周復初 彭年 楊培之

張集慶 以上廩生 唐代珍 唐兼三 以上廩生 張鴻達

蓬溪續志

卷一

銜名

八

112111

金啟裕 唐慶集 唐大章 蒲資生

楊守中 王元清 張星朗 楊大曦

蒲萱 鍾文材 以上文章

查卷繕牘

吏房典史何輝燾 戶房典史魯謫堂

禮房典史鄒光裕 兵房典史裴章甫

刑房典史田燮堂 工房典史李清和

鹽茶房典史章達尊 倉房典史冉嘉猷

蓬溪縣續志目錄 總目十四 細目四十五

卷首

序

啟

街名

總圖

中鄉圖

西鄉圖

東鄉圖

疆域第一

蓬溪縣續志

卷一

目錄

九

1001

建置

附表

城工

邑里

古蹟

水利第二

川滄

堰塌

津渡

學校第三

壇廟第四

壇廟

祠宇

物宜第五

鹽利

土宜

俗尚

出納第六

地丁

津貼

捐輸

稅契

鹽法

夫馬

團保

賓興 育嬰 養濟 恤廢 三費 學田 庠局

醫館 因利 積貯 賑貸

官師第七

題名 公署

職役第八

耆舊第九

儒先 孝友 忠義

行誼

貢舉

仕宦

人瑞

列女第十

孝 節 貞烈 軼事

祿祥第十一

蓬溪縣續志

卷一

目錄

十

文三

兵事第十二

兵制 武功

塋墓第十三

著述第十四

筆 詩

輿

圖

建溪續志

卷一

輿圖

十一

縣境總圖 每方十里

北

東



西

建溪續志

卷一

輿圖

十二

中鄉圖 每方十里

北

東



蓬溪續志

卷一

典圖

十三



蓬溪續志

卷

新圖

十四



縣境圍繞如半規舊志作方圖失疆域體勢今另爲總圖
境分三鄉又分圖之中鄉西至於涪西北界射洪西充東
南界南充遂甯至小潼場與東鄉接西鄉西北界射洪三
臺中江東南界樂至遂甯北至於涪與中鄉接東鄉自吉
星場東行五里界南充西行四里界遂甯惟一綫達小潼
場與中鄉接東北界南充定遠合州西南極於涪踰涪皆
遂甯地用開方積算南北弱而東西強計共得一千九百
有奇方里城鎮遠近可一覽而知水列其著溪澗紛繁不
勝紀也詳於寨堡年事累歉民氣不甯不宜修葺也周遭
甌脫華離之地則略具一二不能徧詳焉其餘廟署名蹟

卷一 圖說

六

諸圖備載舊志茲不贅邑人曾世禮繪圖并識

達溪續志

卷十

輿圖

十五



南

東

蓬溪縣續志第一

疆域

蓬溪唐縣也居屬東垣以蓬溪水經郭下故以爲稱昔在帝高辛氏封支庶於蜀東與巴鄰分界於縣東之青石山禹貢梁州周職方雍州之域也秦惠王滅蜀置爲郡東境涪水之涯有鹽亭焉民賴井鹽之饒漢高祖六年分郡東北境置廣漢之郡屬縣十三其六曰廣漢漢祖始國漢中而資巴蜀人之用以有天下故名縣以紀功中當西漢水曰安漢東跨渠水曰漢昌宣漢西踰涪水曰廣漢新莽稱廣信其八曰郫境在廣漢之西涪郫水之閒廣漢郫皆秦

蓬溪縣續志

卷一

疆域

十七

× 〇 〇 〇

鹽亭地屬廣漢郡而郫於益州廣漢縣地大而涪外爲獠居至後漢境益闢乃就東南德陽舊壘分置縣曰德陽亦處涪兩涯而東南極於青石之山唐以來曰龍多山也其於季漢德陽郫皆屬東廣漢郡晉既得蜀穆帝永和十一年分郫東境及廣漢瀕涪之地置巴興縣更德陽爲小溪縣孝武帝分小溪東境置晉興縣皆屬遂甯郡後入於魏更晉興爲始興又更巴興爲長江以境有涪水也兼置懷化郡治焉疑卽今槐花場在中鄉之西隋更始興爲青石以有青石山也治所近珠玉溪在東鄉又更小溪爲方義中鄉其北境也於唐之永淳元年分置唐興舊志以爲在

今縣南二十里之蓬川長壽二年更曰武豐神龍元年復

曰唐興景龍二年析置唐安於今縣治先天二年省唐興

更唐安曰唐興天寶元年更曰蓬溪上元元年徙長江治

鳳凰川今日長江壩在西鄉遂甯郡者季漢之東廣漢郡

更名於晉代者也自周以來曰遂州於時置州滋多郡皆

爲州也唐天寶初州皆復爲郡乾元初復爲州故遂甯復

爲遂州其治所在今遂甯縣境宋之端平徙治蓬溪若未

幾復熙甯中省青石入遂甯縣逾年復置政和中升遂州

爲遂甯府元之至元併長江入蓬溪併青石入小溪屬遂

甯州時遂甯府降爲州也小溪者宋以方義改復者也後

蓬溪續志

卷一

疆域

十八

川 〇 〇 〇

併於遂甯縣明洪武四年蓬溪移屬潼川州因元之舊統於四川行中書省九年更曰承宣布政使司十年省蓬溪入遂甯縣十三年復置更割遂甯廢青石縣之境之在涪北者來屬之

國朝因之雍正十二年潼川升爲府故今爲四川潼川府

蓬溪縣實隋唐以來蓬溪長江青石之舊疆而漢初廣漢

郡之分地也分合之由列表於後俾有考焉

歷代建置表

四川潼川府蓬溪縣

高辛氏 虞夏周秦漢

新後漢季漢晉

魏 隋 唐

宋 元 明

右建置

達溪者水名也置縣於斯名則因之初之築也在於下游爲里三十近大石橋九域志所謂在遂州東北九十里者也今之理所昔爲唐安元和志以爲西南至遂州百二十里者昔之計里也約四而得今之三今距遂甯實爲里九十析置於唐之景龍曰唐安移併於先天更名於天寶乃曰達溪以溪爲隍城於其陽由明之成化迄乎正德以山水爲患乃逾溪而改卜焉實爲今治之初基明季凋殘委於榛莽

皇清定鼎百五十有四年時維嘉慶二年爰始經營是版
是築左山右溪以甯厥居考古以規模前志備矣越三十有

[illegible]

三

九年至於道光十六年東西暨南咸有坍塌前知縣張其仁捐俸繕完之又三年西北多損侯大受復修之又五年秋霖潰濡東西南多坍塌臺亦損明年徐楊文保捐俸釀資五百餘緡以修之又六年爲咸豐元年復有所坍塌頻修茸十年賊旣平李燧以垣堞卑陋捐俸千金濟以募釀加崇三尺培築內垣增炮臺於衝周遭凡四與前爲炮臺五甫越歲垣之圻者三百餘丈潘方來捐俸千緡兼募民資築固之同治九年環陣坍塌福倫賦錢於團以茸之光緒八年垣又多損宋家蒸損俸鳩工越歲而所修漸圯趙源濬責工補完之自是率三年而一修以洎於今蓋鹽蓬溪續志

卷一 疆域

三

泉所潰埏埴弗凝傍水依山鬱蒸尤劇修築之繁非僦功之未愼也縣之爲境形若半規幅輳繞越兼程莫窮繡錯紛拏縱眺可辯雖崎嶇蜀道設險堪資而密邇鄰疆重關曷恃則所以資保障而衛民生者睥睨之崇嚴其首務矣而又水涯山址淺薄如斯傍郭環溪潺湲不已賴茲雉堞其固幾何哉故李燧號能兵當寇攘在南必內據跪象山月琴山塔子山鷺峯山保城山以爲之防外屯大石橋吉祥寺以爲之戍也

右城工

古者民作於田而處於邑故百里之國下邑爲多春秋於魯之城築不一書所謂保聚者也世值隆平民保於德然

設險守國古之義也蓬溪大邑雖有山川之險而幅幘纖
袞鄰壤錯居民之眾也非一城所容途之修也非兼程所
達昔當潢池不靖寨堡林立而後民多得全義莫大於宜
制必因乎勢古今同也時既清宴民歸其居生聚蕃焉生
殖茂焉禦寇之餘遺規猶在各隨鄉井不練而團一則大
盛世之垂橐一則戒晏安之忘戰而舊有寨堡亦開其之
國家保民無疆有司承流職任攸寄曷敢昧昧焉民所聚
居曰城及河街曰附城五路曰三鄉場市各有其團與寨
皆保障之資也一一著之附於城池之後以賅前志疆域
之遺

蓬溪續志

卷一

疆域

三

×××

蓬溪縣城東據曬經巽峯九龍山南嚮書案山西包印星
山北臨蓬水北自承恩門入爲北街北街之南首左旋至
迎旭門爲內東街右旋曰順南街順南街之左折南而下
至於來薰門曰南街順南街之右折南而下曰小西街小
西街之前爲大西街大西街西至金華門東繞文昌宮而
南又折而東以達於南街城內之街凡六也出迎旭門而
東爲東昇街出承恩門逾蓬水其街三自東而西爲上中
下河街壇廟所在已詳前志縣署及捕署在順南街學署
及環溪書院在中河街汛署在小西街蓬中鹽釐局在大
西街其蓬西局在河邊場學田賓興局在文廟團保訟費

局在武廟育嬰牛痘官醫局在南街財神廟津捐三費桑
茶恤養局在縣署側申明亭在署前節孝總坊在下河街
文明閣在城東南隅之巽峯山奎星閣在西郊蓬水北北
與下河街接南與雙塔相望較場在白塔之西南城內居
民八百餘家其團一河街居民千餘家其團五集期一五
八跪象山寨在河街之北同治二年建潘先珍有記見著
述篇城之東郊曰上東路東迄里壩舖二十里爲東行之
通衢其團十二人和寨在西北太平寨近南東南曰下東
路由東北小橋溝至東南白廟子皆距南充境自城東南
行三十五里而極其團十一天保寨在南玉屏寨在其東

蓬溪續志

卷一

疆域

三

×××

南南距南充之公子山城南南路東南至七里溝距南充
發達河斗入之界離城十餘里其團十二永樂寨在中人
和寨在東南城之西北曰西路其團十四有人和寨其西
龍馬寨西南萬古寨城之東北曰北路自城東北行二十
五里至五龍寺距南充界其團十三五雷寨在東刻木山
寨馬鞍山寨在北三元寨在西北鼓樓山寨在其東小潼
場在縣南三十里南距遂甯之毛公灘東距南充界惟東
南一綫達於吉星場其團十五有官斗寨三星寨朝陽寨
連二寨興隆寨信義寨文井場在縣北三十五里其北蔡
碑堽抵射洪西充界其東五柏樹抵西充南充界其團十

五西有金龜寨順天寨老君寨大成寨鑼鍋場在縣北五十里東南至文井場二十里其北廟後山西北會家灣東北對山皆距射洪界其團五龍頂寨順天寨皆在場南之高峯山與文井場板橋場共之五面山寨在南北板橋場在城西北二十里東北至文井場二十五里其團八南有天保寨槐花場在板橋場西北十里西至涼水井十五里爲蓬射界牌自是而西省府之通衢也北有金銀埡亦距射洪界其團九太恒寨在西南三清寨在西皆接常樂場境峩眉寨在南明月場在城西三十里北至板橋場槐花場皆二十里南至大石橋三十里集期二六九其團十一示

蓬溪續志

卷一

疆域

三

× 280

安寨在西北之小山溝自場赴常樂場則摩其北高城山寨最險要在其北之高升山毗連常樂場新寨子在西南臨於蓬水西方院寨在新寨之南天全寨在場東北之兩河口若由常樂場入縣則經其南順天寨舊曰瓢兒寨在場北近槐花場境牛家河及路皆山其西石牆院寨在場東北蓬水南之龍枕山其山峻而壁立入縣之途由水北老君觀寨在場南赴小潼場由寨南岫安寨在其南毗連龍會場不當路是場也四寨之區也東有壁山廟之隘西有小山溝之隘北有黃連橋埡口南有小高崖皆隘也常樂場在明月場西十五里北至槐花場二十里其團十三

南有九龍寨西南有保和寨天保寨和心寨西有天佑寨天福鎮在常樂場西三十五里西北距射洪之青堤渡五里其團十四西有清安寨與射洪共之康家渡在明月場西南五十里縣西要津也鹽大使距之北至天福鎮十五里東南距遂甯之桂花場二十里其團八場後如意寨險固繞以涪水而退射洪遂甯之衝寨昔曰人和縣境人和寨非一惟此最著稱青龍寨在其東大石橋場在城西南四十里東至小潼場二十里西南十五里爲蓬遂界牌赴遂甯大路也光緒十六年於東北十五里之滴水崖置場曰迴龍集期四七十其團共二十五是場爲縣南隘區西

蓬溪續志

卷一

疆域

三

× 280

南之昆侖山有天保寨七寶山有天生寨南有天保山寨近界牌東有雷動寨與連二寨相望西北之石乾山巍峩屹立扼要於明月場吉祥寺之間有均齊寨青岡山尤聳峻然無寨嘉慶間民就避賊獲全者十三四其前鷹巢崖爲吉祥寺來城之要道可以設險龍會場在明月場南三十里南接吉祥寺光緒十七年建集期二五八其團十一西北有高望寨北有金龜寨公平寨在蓬水之兩涯路出其間可以扼守忠義寨亦近之此中鄉也西鄉由天福鎮過廣仁渡三十里至法嚴寺北距射洪之柳樹花二十里其團五走馬寨在東南錢家井在法嚴寺西三十里北距